

Januari 3, 2020

www.awemainta.com

www.facebook.com/awemainta

noticia@awemainta.com

583-1400



AWEMainta

CENTENARES DI PERSONA A PARTICIPA DEN “NIEUWJAARSDUIK” 2020 NA MOOMBA



CENTENARES di persona a participa den “e Champuzon di Aña Nobo” 2020 na Moomba Beach.

Manera a bira un tradicion caba, dia 1 di januari pa 12’or di merdia a warda e bel zona, pa centenares di persona drenta lama pa nan prome chapuzon di aña nobo. Esaki a tuma lugar n’e beach dilanti di MooMba.

Segun e organisadonan, ta calcula cu 1500 persona a participa den e evento aki cu ta wordo yama “Unox New Year’s Plunge” den lama Caribense. Cu colaboracion di 24Ora.com, AWEMainta ta publica e evento aki.

Pa mas cu 10 aña caba tanto local como turistanan ta reuni den oranan di merdia p’e spot aki dilanti di Moomba pa core drenta lama bisti cu e headcapnan color di Unox. E ta un tradicion cu a cuminsa na Hulanda, paronisa p’e compania Unox, famoso pa nan blekinan di sopi.

E aña’ki no tabata diferente, e entusiasmo tabata grandi pa sigui cu e tradicion, manera e potretnan ta muestra.



**INVEST
SECURE**

We don't just say it ... We Guarantee it !!!



*Nos ta ofrece tranquilidad,
protehando nos comunidad.*

Pa mas informacion yama 582-7252

Conseho di Minister a dicidi cu

Andin Bikker a bira Vice Prome Minister



RECIENTEMENTE Conseho di Minister a tuma decision cu Minister di Husticia, mr. Andin Bikker a bira Vice Prome Minister re-emplazando asina Otmar Oduber, kende dia 12 di december ultimo a baha.

Como parti di palabracion den Gobierno di MEP-POR-RED, e posicion di Vice Premier ta pa partido POR y awor cu Otmar Oduber, kende a ocupa e funcion aki te dia 12 ultimo, ta logico cu mr. Andin Bikker t'e Vice Prome Minister.

Por lo pronto lo ta bin cambio den Gabinete Wever Croes, mientras cu ta ser spera cu otro siman, lo por huramenta drs. Marisol Lopez Tromp como e Minister sucesor di Otmar Oduber, ocupando su carteranan manera Minister di Infraestructura, Medio Ambiente, etc.

Kico t'e motibo p'e tardanza di huramenta drs. Marisol Lopez Tromp no tin splicacion cla, mientras cu Prome Minister Evelyn Wever Croes a anuncia cu esaki lo por a tuma lugar ainda prome cu Pasco, pero awe por mira cu esaki no tabata e caso. Manera menciona anteriormente, esaki lo ta siman benidero.

Consecuentemente den Parlamento, drs. Marisol Lopez Tromp lo wordo re-emplaza pa dr. Dellanirere Yecenia Maduro, mientras den fraccion di MEP tambe lo tin cambio, unabes cu Luigi Bergen a anuncia su retiro, pero te awe su carta di retiro no a keda entrega. Pa logica, lo cuminsa for di candidate nr. 1, y asina ta recore henter e lista. Sue Ann Ras, kende nos tin entendi no kier bolbe den Parlamento den e periodo aki, lo ta habri turno pa un otro candidato, kende ta Darlaine Guedez Erasmus. E tambe ta pendiente pa huramenta, pero manera menciona te awe ainda Luigi Bergen no a entrega su retiro.

Tele Aruba ta censura transmision di mensahe di Fin di Aña di partido AVP

INFORMACION cu AWEMainta ta ricibi ta muestra cu e partido di oposicion AVP no ta hayando espacio pa pasa nan mensahe di fin di aña na Tele Aruba.

Aki na Aruba ta un tradicion cu banda di Prome Minister di Aruba y e mensahe di Monseñor, e partido mas grandi di oposicion tambe ta pasa un mensahe, na radio y television.

E aña aki, partido AVP a keda sorprendi pa un decision di Tele Aruba cu no lo permiti un mensahe di partido di oposicion y ta reserva unicamente espacio di transmision pa dirigentenan di Gobierno.

Segun nos por a compronde, a bin ta pidiendo pa un espacio pa algun tempo caba, pero no ta hayando contesta te cu awor.

Esaki ta un paso cerca na dictadura den media dirigi pa Gobierno, cu e aña aki a anuncia di lo bin cu un Mediawet, pa sera boca di medionan critico.

E interrogatorio grandi ta si SETAR NV cu t'e accionista/doño di Tele Aruba ta aproba e censura aki di gerencia di Tele Aruba, probablemente instrui pa Ministernan di Gabinete Wever Croes.



EDITORIAL

Gobierno no tin solucion pa drecha situacion financiero di e pais



Pa: Victor (Toko) Winklaar

UN bon deseo pa comienso di aña 2020 sperando cu deseo di tur hende wordo cumpli y cu reina pas y tranquilidad den tur cas rond Aruba, ta deseo di AWEMainta na henter pueblo.

Anteriormente ya caba nos a muestra cu perspectivanan pa 2020 no ta muestra mucho alentador, caminda varios institucion a bin ta mostrando cu maneho cu Gabinete Wever Croes ta hibando, ta sigui percura pa un inflacion cu ta riba caminda pa kibra record den un periodo cu no ta existi un crisis economico mundial.

Aruba a yega di pasa den un proceso asina ora cu a surgi un crisis economico global, pero n'e momentonan aki e crisis financiero a wordo crea pa Gabinete Wever Croes cu contrario na loke el a priminti y segura pueblo cu e lo haci, no a cumpli cu e promesanan aki.

Den su discurso despues di a huramenta como Prome Minister, sra Evelyn Wever Croes a anuncia cu su Gobierno lo no tuma ningun medida contra pueblo, pero un luna y mei na mando, BBO a wordo aumenta, diferente otro medida a wordo implementa, mientras cu pueblo no a conoce ningun adelanto manera priminti.

Un Gobierno cu semper a boga cu lo reduci e costo di bida di nos ciudadanonan, a dal un buelta di 180 grandi y den dos aña di tempo, nos pais a conoce un aumento di inflacion impresionante y cu a percura pa un caida den poder di compra cu a bin ta afecta no solamente comunidad, pero tambe e sector comercial.

Negoshinan a bin ta hayando problema economico serio, ya cu pueblo no tin mucho espacio financiero pa cumpra manera antes y esaki ta un desaroyo cu ainda Gabinete Wever Croes no por alivia of evita.

Tin mas medida na caminda, esey ta un hecho sigur ora cu Prome Minister Evelyn Wever Croes y Minister di Finansa, Xiomara Maduro, a bay di acuerdo cu Hulanda pa introduci mas medida contra pueblo pa di e forma aki percura pa un maneho financiero duradero.

Camara di Comercio den luna di december a participa cu cosnan no ta muestra bon pa 2020 ya cu Gobierno no ta mostrando seriedad den dialogonan, cu Gobierno no ta dunando gremionan e tempo necesario pa analisa y discuti e maneho cu Gobierno tin cu sigui p'e no sigui perhudica e situacion cu Gobierno mes a crea.

Sinembargo algo dia prome cu Pasco, Minister di Finansa Xiomara Maduro a dirigi un mensahe cla y raspa pa sector comercial y tur otro gremio concerni, cu nan participacion den dialogo cu Gabinete Wever Croes, no ta nifica cu nan tambe por tuma decisionnan pa Gobierno.

Algo cu ta logico ya cu ta Gobierno ta responsabel sin duda, e t'esun cu mester ehecuta cualkier maneho pa sirbi e interes general, pero ta net esaki t'e problema, ya cu Gabinete Wever Croes no ta sirbiendo e interes general di e pais, no ta cumpliendo cu su propio plan di gobernacion cu el a introduci na pueblo.

Na 2009 na momento cu Gabinete Mike Eman I a asumi responsabilidad di gobernacion, a sigui un serie di Dialogo Social caminda tur gremio a participa, no solamente intercambia di pensamiento, pero nan opinion a wordo uza pa forma e base di e maneho di Gobierno.

E tempo ey Gabinete Mike Eman a duna gremionan tur respet di mundo, a sinta cu nan pa oranan largo, a discuti varios escenario y na final di cada reunion a sali satisfecho cu e aporte di gremionan.

E tempo ey na 2001 gremionan a haya participacion y nan opinion y vision a bira parti di e maneho di e Gobierno ey ya cu ora ta papia di participacion, ora cu ta papia di transparencia, tur hende por hunga un rol, pero Gobierno ta keda responsabel p'e maneho cu tin cu wordo sigui.

Den e caso actual Aruba tin un Gobierno caminda Minister di Finansa a informa gremionan den forma bon cla, cu nan no tin nada di bisa den e maneho cu Gobierno tin cu hiba, den decisionnan cu Gobierno tin cu tuma y esey ta bisa hopi caba di e mentalidad di Gabinete Wever Croes.

Un mentalidad dictatorial, un mentalidad miskiña ya cu den un pais democratico, un Gobierno cu supuestamente ta kere den participacion y transparencia, gremionan semper lo hunga un rol masha importante mes den henter e proceso di gobernacion.

Presupuesto supletorio a muestra cu Gobierno su gastonan a aumenta cu 14 miyon florin, un suma cu no tabata presupuesta y esaki ta contrario na loke CFT y Gobierno Hulandes a palabra cu Prome Minister y Minister di Finansa y claramente por mira cu Gabinete Wever Croes no ta respeta ni palabracion cu Hulanda, mescos cu el a haci cu pueblo di Aruba.

Aruba ta bibando momentonan dificil bou di maneho di un Gobierno cu practicamente no tin solucion pa ningun punto di interes di pueblo y solamente a anuncia algun decision riba Loonbelasting y un aumento di pensioen di biehes, cu bou di ningun circunstancia ta logra na alivia e perdida cu tur hende ta sinti den nan cartera cu e cantidad di medida cu a wordo tuma y cu ta na caminda pa 2020.

Parlamentario Mike de Meza

Aruba ta conta c'un Prome Minister cu NO ta interesa den cumpli cu su promesanan electoral n'e pueblo engeneral

Particularmente San Nicolas menos!

ARUBA a habri un año nobo na merced di un Prome Minister y su Gobierno, cu no ta interesa den bienestar general di su pueblo, caminda e hende sigur no ta central, algo cu pa dos año largo el e demostra repetidamente. Miembro di fraccion di AVP, Mike de Meza ta señala cu na cierre di año 2019, na momento cu tur, pero tur ciudadano, tata y mama di famia ta spera noticianan positivo, sperando cosnan bon pa bin den 2020, Evelyn Wever Croes ta demostra, kende realmente e ta como hende y ki sorto di lider un pais e ta.

“Ya caba pueblo a sinti e insinceridad di e Prome Minister, un hende cu hunto cu su partido a drenta casnan rond di Aruba durante di campaña, a sigura pueblo cu nan lo drecha e situacion financiero y tur otro problema di e pais, SIN cu e tin cu tuma medida, pasobra e conoce e materia y el a studia e materia. Tambe Evelyn a bende su mes como un persona cu tabatin solucion pa tur cos, e lo a percura pa alivia tur problema y retonan den pueblo, pero ni dos luna na manda, el a traiciona tur cu a vota pe, su partido y pueblo en general presentando un paquete di medida caminda el a aumenta BBO cu 75% y hisa accijns cu 16% riba gasoline y diesel cu a causa hopi problema den tur cas rond Aruba. Awor el a pone otro medida riba lomba di pueblo cu un aumento di 46% riba diviezen provisie cu lo afecta prijs di TUR producto y servicio na Aruba. Esaki contrario na promesa cu lo NO a bin cu medida durante su gobernacion y tambe cu SI lo a baha e prijs di awa cu coriente cu 50%. Tambe cu SI lo a baha e prijs di gasoline y diesel cu 50% y SI lo baha edad di pensioen bek na 60 año! Pero te dia di awe pueblo no por mira nada di e promesanan di Evelyn.

Su engaño electoral na pueblo no a caba eynan, ya cu ainda Evelyn Wever Croes cu su Gobierno ta sigui impone medida riba pueblo y ta sigui trata di ranca entre 250 pa 300 miyon for di cartera di henter pueblo, p'asina e por cubri su e Gobierno actual su incapacidad pa goberna y cubri aumento di gastonan inecesario cu ta beneficia y sirbi solamente e interes di “Friends and Family” y NO di pueblo.

Ta tristo pa scucha ora cu pueblo di Aruba tabata pasando ultimo dianan di 2019, sperando riba noticianan positivo cu speransa cu Gobierno lo cambia y stop abuso contra pueblo, Prome Minister ta anuncia cu pa su partido CITGO por bay pa caba for di Aruba.

E mesun Prome Minister aki cu a priminti cu su Gobierno lo bay ta integro, ta bolbe traiciona un grupo grandi di trahador den e refineria na San Nicolas, caminda sin ningun tipo di remordimiento, ta bisa cu e refineria tin cu bay pa caba mescos cu lider anterior sr. Nel Oduber di MEP a bisa Valero den 2007/2008 ora a introduci BBO riba export pa refineria y cu na 2009 Valero a stop su operacion di refineria y a manda tur contratista cas y pa cera operacion di refineria completo!

Ningun palabra di sosten p'e trahadornan cu lo wordo manda cas, ningun tipo di un vision caminda e Gobierno actual lo a muestra pa prome bes cu e tin interes di e trahadornan y di e pais na pecho.

Aki Aruba a bolbe conoce e engaño di su Prome Minister, kende semper ta papia cu su Gobierno tin e “hende” central den su maneho, cu e ta lucha pa interes di e “hende”, pero sin ningun tipo di convivencia, ta manda CITGO bay pa caba y laga tur e trahadornan aki cu nan famia pa nan cuenta.

E arte di politica ta pa sinta na mesa y busca solucion cu ta sirbi interes general, pero e Gobierno actual lideriza pa Evelyn ta kere den e arte di politika di “bully” pa nan por yega na solucion pa sirbi interes personal!

Increibel con un Prome Minister di un pais, por demostra un falta di interes asina den e ser humano, un falta di interes den economia di su pais, caminda despues di dos año sin cu el a haci un solo esfuerzo pa percura cu e proyecto di reapertura di e refineria wordo sigura, awor ta bin dilanti y bisa un disparate asina!

Sin embargo loke Evelyn Wever Croes, a haci cu e declaracion aki, ta bolbe demostra na pueblo cu partido MEP despues di Betico Croes, nunca a conta c'un lider cu a traha na interes di e digno pueblo di Aruba.



E negativismo y e rabia contra nos pueblo di San Nicolas, semper a wordo demostra tanto pa Evelyn y tambe p'e ex lider di MEP y ex Prome Minister, Nelson Oduber, kende tambe den pasado a haci mesun cos, ora cu bou di otro Gobierno di MEP, a cera e refineria.

Na 2009 tabata Nelson Oduber como lider di MEP y como Prome Minister, a bisa e ehecutivo di Valero, sr. Bill Klesse p'e pone e refineria riba su lomba y bay cune for di Aruba.

Exactamente 10 año despues di e declaracion aki di Nel, otro lider di MEP y Prome Minister di nos pais, ta bin dilanti y bisa sin ningun tipo di compasion cu trahadornan di e refineria, cu ta mihor pa CTIGO cera mas pronto posibel y nan bay for di Aruba.

Esaki t'e lidernan cu no tin interes di pueblo na pecho, cu no tin interes di San Nicolas na pecho y ta hendenan cu semper a traha pa sirbi interes di famia, amigo y di sponsornan. No ta di awor ta conoci cu tin diferente grupo ta tras di e baymento di e refineria di Aruba y e hecho cu nunca, pero nunca Prome Minister a haci e minimo esfuerzo pa sigui cu e proyecto aki, ta confirma practicamente cu e ta sirbiendo den cierto sentido, interes di algun grupo cu kier e tereno y otro ‘assesment’ di e refineria aki.

Prome Minister Evelyn Wever Croes nunca tabata sincero cu pueblo di Aruba, cu e clase trahador y el a demostra cu pa 2020 esaki lo no cambia y pueblo lo sigui haya su mes confronta c'un perdida di compra y aumento di su problemanan social y financiero,” Parlamentario Mike de Meza a muestra.

Muhe kier a defende su mes cu cuchiu di maltrato di su pareha



DIARANSON den oranan anochi, presencia di polis a wordo pidi na un cas na Alto Vista pa un homber cu lo ta batiendo su señora formalmente. Mesora a manda polis na e sitio, dos patruya mesora a sali bay direccion di e cas.

Na yegada, pafo di cura e agentenan policial ya caba por a mira, slof, coi wanta cabey, lighter etc benta riba vloer, indicando cu enberdad lo meste tabata tin un pelea andando den e cas.

Na e sitio polis a bin compronde cu e dama lo a haya un sota formal di e homber, polis a papia cu e dama paden di e cas.

Na momento cu polis a yega na e cas, ya e homber a bandona su cas, aparentemente elo a drenta mondi bay sconde. Polis a bay busk'e den e area, pero no a logra topa cun'e.

Na momento cu polis tabata papiando cu e señora pa asina trata na saca afo kico a pasa, nan a bin compronde cu e señora no kier entrega un keho oficial di maltrato. Polis a splik'e cu si e ta desea e por hacie. E mama di homber tambe a bin papia cu polis. El a bisa polis cu aparentemente e señora tabata tin un cuchiu skerpi den su poder. El a mustra nan e cuchiu skerpi cu aparentemente e señora tabata tin pa defende su mes contra e homber.

E mama di e homber a pidi polis pa atende seriamente cu su yiu. Prome cu polisnan a bandona e cas, nan a bisa e famia pa avisa nan ora e homber yega bek, pa nan por atende cu e homber. Tanten cu e señora no kier entrega keho, polis aparentemente no por haci mucho cos y e maltrato lo sigui keda pasa.

Caribbean Cinemas.

PH VIP At Paseo Herencia 582-3693

PBP Palm Beach Plaza Mall 586.0074

caribbeancinemas.com

Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

JANUARY 2-8

	<p>TARA WESTWOOD JUNKO BAILEY</p> <h2 style="text-align: center;">THE GRUDGE</h2> <p style="text-align: center; font-size: small;">WITH SPANISH SUBTITLES</p> <p>PH VIP MON-THU & SUN 3:50 6:05 8:20 FRI-SAT 3:50 6:05 8:20 10:35</p> <p>PBP MON-THU & SUN 7:50 FRI-SAT 7:50 10:00</p> <p>PBP VIP MON-SUN 3:00 5:10 7:20 9:30</p>
	<p>ROMAN GRIFFIN DAVIS TAIKA WAITITI</p> <h2 style="text-align: center;">JOJO RABBIT</h2> <p style="text-align: center; font-size: small;">WITH SPANISH SUBTITLES</p> <p>PBP MON-SUN 2:00 4:25 6:50 9:15</p>
	<p>PAUL WALTER HAUSER SAM ROCKWELL</p> <p style="text-align: center; font-size: x-small;">A COUNTDOWN FILM</p> <h2 style="text-align: center;">RICHARD JEWELL</h2> <p style="text-align: center; font-size: small;">WITH SPANISH SUBTITLES</p> <p>PH MON-SUN 3:20 6:10 9:05</p>
	<p>WILL SMITH TOM HOLLAND</p> <h2 style="text-align: center;">SPIES IN DISGUISE</h2> <p style="text-align: center; font-size: small;">WITH SPANISH SUBTITLES</p> <p>PH MON-THU & SUN 3:40 6:05 8:30 FRI-SAT 3:40 6:05 8:30 10:00</p> <p>PBP MON-SUN 2:00 4:20 6:40 9:00</p> <p style="text-align: center; font-size: x-small;">SPANISH</p> <p>PBP MON-SUN 2:45 5:05</p>
	<p>ANA MARÍA ARANGO FRANCISCO BOLÍVAR</p> <h2 style="text-align: center;">LA PACHANGA</h2> <p style="text-align: center; font-size: x-small;">SPANISH</p> <p>PBP MON-THU & SUN 7:25 9:30 FRI-SAT 7:25 9:30 11:25</p>
	<p>DWAYNE JOHNSON JACK BLACK</p> <h2 style="text-align: center;">JUMANJI: THE NEXT LEVEL</h2> <p style="text-align: center; font-size: small;">WITH SPANISH SUBTITLES PG-13</p> <p>PH MON-SUN 3:05 5:50 8:40</p> <p>PBP MON-THU & SUN 3:00 5:40 8:20 FRI-SAT 3:00 5:40 8:20 11:00</p> <p>PBP VIP MON-SUN 1:20 4:00 6:40 9:20</p>
	<p>DAISY RIDLEY ADAM DRIVER</p> <h2 style="text-align: center;">STAR WARS: THE RISE OF SKYWALKER</h2> <p style="text-align: center; font-size: small;">WITH SPANISH SUBTITLES PG-13</p> <p>PH VIP MON-SUN 2:40 5:45 8:50</p>
	<p>KRISTEN BELL IDINA MENZEL</p> <h2 style="text-align: center;">Disney FROZEN II</h2> <p style="text-align: center; font-size: small;">WITH SPANISH SUBTITLES PG</p> <p>PBP MON-SUN 1:05 3:20 5:25</p>
	<p>SAOIRSE RONAN EMMA WATSON</p> <h2 style="text-align: center;">LITTLE WOMEN</h2> <p style="text-align: center; font-size: small;">WITH SPANISH SUBTITLES PG</p> <p>PH MON-SUN 3:10 6:05 9:00</p>

ALSO SHOWING!

OPENING JANUARY 9: UNDERWATER, 1917, LIKE A BOSS

THE MAGIC OF THE MOVIES ON YOUR MOBILE DEVICE

Download on the **App Store**

GET IT ON **Google Play**

Famia di Dakota maltrata



Ta Busca

CLEANER POSITION AVAILABLE

Requirements:

- Must speak English
- Two people working together to get job done quickly.
- Thorough cleaning, including cleaning fridge, toaster, oven, BBQ grill, changing sheets, ironing, sweeping garden, cleaning outdoor furniture, dusting, wiping down doors and windows inside, out etc.
- Start immediately. Till 8 January cleaning Monday, Wednesday, Friday. Total hours 1.5 hours x 2 Starting at 8am.
- Starting at 10am, after 8 January, weekly clean. About 4 hours x 2 for thorough clean. Clean all drawers, check plates, cutlery and make sure all is clean and all plates etc. are there and nothing broken. If no guest, cleaning is only total of 1.5 hours x 2.
- Honest and hardworking.
- Must be professional.
- Must be flexible and available.



Contact Information:

Email: azzoster@gmail.com

Whatsapp : +447713160178

Call: +297 7455035

RIBA e prome dia di aña nobo pa 7:50 p.m polis bay cu urgencia Avenida Milo Croes, unda a drenta un yamada cu hopi gritamento. E momento ey no tawata mucho cla kico ta pasando.

Na yegada di e patruya nan a wordo splica door di un pareha cu parce dos auto a yega. Den cada auto tawatin dos persona, pues un total di 4 hende.

Entre e grupo cu a baha tawata tin un muhe tambe. Un di e autonan ta un Kia color Oranje registra den Pampoenastraat cu ta Dakota, pues no mucho leu di unda e incidente a sosode. E otro auto ta registra na adres na Cumana.

Agentenan na e sitio a compila mas datos posibel y a pidi presencia di Recherche.

Un total di tres persona a haya golpi y tur esaki dilanti un criatura. Pues autoridad tin tur datos y esnan responsabel lo bay haya si ta bon bishita di autoridad.

Motibo di e agresion no ta conoci, por lo menos te na e momentonan ey.

Prome baby di aña 2020 ta Evangeline Kate Caceres

DURANTE e prome dia di aña 2020 a nace dos mucha muhe. E prome baby di aña 2020 a nace 1:24 di merdia na Dr. Horacio E. Oduber Hospital y a haya e nomber Evangeline Kate Caceres.

Baby Evangeline ta e e di dos yiu di Jullye Caceres y su tata ta Miguelito Geerman. Evangeline tin un peso di 3240 gram y un largura di 45 cm. Baby Evangeline a nace cu un sectio di emergencia . E mama no a spera e baby nace asina pronto door cu e tabata di nace dia 18 di januari 2020.



E parto tabata poco complica pues e baby ta den couveuse pero e ta stabil. E famia ta masha orguyoso di por habri e prome dia di aña 2020 cu un miembro nobo den famia.

E di dos baby tambe ta un mucha muhe y a nace 2.27 di atardi. Su nomber ta Miqueas Castillo Ortiz.

E ultimo dia di aña 2019 a nace un total di 2 baby di cual tur dos tabata mucha homber.

Un danki grandi ta bay na dr. Garcia, zuster Zavala, zuster Arends-Dirksz, zuster Cabenda y zuster Camara na departamento di Maternidad.

Tambe nos ta gradici e sponsor Johnson & Johnson di Manrique Capriles, pa e regalo bunita pa a mama y baby di aña. E miho deseonan pa tur baby y nan famia di parti di departamento di Maternidad y tur otro coleganan na Hospital.



END OF THE YEAR SALE
UNWRAP A GREAT DEAL



Kia Sportage EX

Now only **AWG 60,420***



Kia Rio

Starting from **AWG 26,500***



Kia Picanto

Starting from **AWG 22,790***


*All prices including taxes. **Models shown are for illustration purposes only.

TOPCAR

Caya Ernesto Petronia 21 • Tel: 528-9500 • Fax: 582-9877
www.kia.com • Kia Motors Aruba | www.nissan.aw • Nissan Aruba



Vehiculo a dal Hondo Civic y a causa cu esaki a bolter



DIAHUEBS den oranan di marduga, presencia di polis a wordo pidi cu urgencia riba Avenida Nelson Oduber pa un accidente basta serio, un poco mas panort di RBC bank Na yegada enberdad polis a topa cu un Honda, Civic, color cora kima, e auto tabata gebolter canto di caminda riba e pida tera memey di e dos camindanan.

E chauffeur no tabata ni den auto y ni banda di e auto, despues di un rato e dama chauffeur a baha for di un otro auto, ela acerca e polisnan bou yoramento, splicando polis cu e tabata coriendo e auto, e tabata bayendo direccion panort y na dado momento un auto a pasa dal den su banda, esaki a pone cu ela perde control y a bay bolter.

Segun e dama, ela trata na controla e auto pa no bolter, pero lastimamente e no por a evita esaki. E auto a keda gebolter, cu su 4 tairanan na halto, riba e separacion di tera entre e dos camindanan. E auto a dal durante cu e tabata bolter contra un baranca grandi riba e pida separacion di tera, entre e dos camindanan.

Polis a pidi pa presencia di ambulance, pa motibo cu e dama chauffeur tabata kehando di hopi dolor di lomba. Na yegada di ambulance, e paramediconan a trata e dama prome na e sitio y despues a dicidi toch pa transport'e pa hospital, pa asina e por haya un tratamiento medico mas avansa.

Tres herido cu sla na boca den accidente na Paradera



BISPO di aña pa mas o menos 3:45 p.m un accidente serio ta sosode na e crusada di Citgo Paradera.

Un total di tres auto tawata involvi. Mester bisa cu Ambulance y Polis a tarda algun minuut prome cu a yega e sitio.

Autonan involvi tawata un Suzuki, un Nissan y un Kia Rio.

Falta di preferencia tawata e motibo momento cu e Kia Rio lo a bay bira pa drenta Citgo Paradera y e van Nissan biniendo cu velocidad halto a dal den su banda, causando cu e Rio a bay dal contra e Suzuki.

E Suzuki tawata para pa bay subi caminda.


Den e Suzuki tawata tin un criatura, un mucha homber cu a haya golpi na su boca y tawata sangra.

Den e Kia Rio un dama tambe a haya sla na su boca y tawata sangra. Den e Nissan Van un otro dama hoben tambe a ricibi sla na boca y esaki tawata sangra. Pues por bisa tur tres persona herida a sla na boca.


Varios agente di trafico a yega na e sitio pa asina cuminsa cu investigacion. A pidi tambe pa BFTO cu ta e departamento tecnico di polis.

E caminda di Paradera a wordo cera den ambos banda, tanto na rotonde di Bright Bakery y na e crusada cu ta bay Casibari, cu a causa un congestion di trafico riba e ultimo dia di aña.

Despues di un rato ambulancenan tur a sali direccion Hospital cu e heridonan.



Chauffeur femenino a huy di sitio di accidente pero gara algun shen meter leu



DIAHUEBS rond di 3.10 di marduga a sosode un caso di hit & run riba e caminda principal di Boegoeroei net na e crusada di Berloni.

Informacion cu a haya na e sitio ta bisa cu un Nissan Cube color blanco biniendo for di noord bayendo zuid dado momento a hay'e cu un un auto marca Mazda Axela, color shinishi, a sali for di e crusada sin paga tino cu un auto ta bin for di noord. E consecuencia di esaki ta cu el a bin dal den e Cube y despues baha na awa, segun declaracion duna na Polis. E auto a sigui su caminda manera nada a pasa.


Pero mucho leu e no a yega, ya cu Polisnan a topa e auto cu e descripcion aki banda di Fermin's Bar, algun shen meter mas leu di unda e accidente a tuma luga.

E chauffeur femenino no tabata por a para riba su pianan y hasta a cuminsa insulta e Polisnan. Mirando su situacion y su comportacion a detene y a pidi presencia di dogcatcher cu a transporta e señora burachi pa Warda di Polis na Shaba.

E dama cu tabata den e Cube a resulta herida y ambulance a bini na e sitio pa trat'e, ya cu e tabata keha di basta dolor y despues a dicide di hoiba hospital pa control medico.

Daño material na e vehiculonan tabata considerabel.

Cliente a sinta uza piedra cu adictonan y despues no kier paga



DIAHUEBS den careda di 6'or y mey di mainta, presencia di polis a wordo pidi pa un supuesto caso di ladronicia.

Na yegada nan ta topa cu un homber cu a yama polis pa motibo cu e ta sinti cu ela bira victima di ladronicia. Tambe polis a topa cu algun adicto ambulante y nan a conta polis exactamente kico a sosode.

E homber aki a bay uza droga Piedra (crack) y bebe hunto cu e adictonan ambulante patras di Hotel Central, masha gezellig mes, pero na momento cu e

homber mester a paga e cuenta, el a bisa nan cu e no por paga, paso e no tin placa.

E adictonan mesora a rabia y a dicide di ranca su cadena for di su nek y pasa man pa su bril.

Nan a bisa polis cu nan ta hende cu no ta molestia, nan ta uza y bende nan droga trunkil. Polis na final no por a haci mucho cos y a dicide di duna e homber un lift pa su cas. E homber a bay cas sin su pertenencianan. Tambe e adictonan a bisa e homber cu: "Nos no kier wak Bo mas aki banda."

Ladron a bay cu camara hopi caro


AÑA NOBO anochi polis tawata bastante ocupa cu varios kiebro similar ariba autonon. Na un restaurant altura di Surf Side turistanan a haya sorpresa ora nan a caba di come.

Yegando na e Van Hyundai cu nan a huur nan ta haya e glas banda di chauffeur kibra.


Ladronnan a drenta y horta den e auto.

Nan a conta polis cu tawata tin un tas cu camara aden y esaki nan a bay cun'e. Un otro auto na banda tambe a bira victima, su glas tambe a wordo kibra.

E doño no tawata na e sitio y e tambe lo hay'e cu un sorpresa ora e yega na su auto.



Explosion a causa candela den motor di auto



DIARANSON den oranan di mainta presencia di polis a wordo pidi na rotonde Sero Blanco pa un accident, den cual un auto tabata na candela, mesora a manda polis na e sitio.

Na yegada polisnan a topa cu un auto na candela, e chauffeur di e auto, un Suzuki Aerio, a splica polis cu e tabata biniendo di panort y manera cu e tabata acercando e rotonde, ela scucha un explosion hopi fuerte den e motor, e tabata asina fuerte cu ela lanta e hood di auto, strobando asina e bista di e chauffeur riba caminda. Esaki a pone cu e chauffeur a bay dal contra e acera di e rotonde.

E motor mesora a pega candela, polis a basha awa riba e auto na candela y a logra domina e candela. NO tabata tin niun hende herida.

Varios kiebro aña nobo anochi



AÑA NOBO anochi tawata tin un evento grandi den Playa cu a atrae un publico enorme, y esaki por a wordo mira na e cantidad grandi di autonan cu a staciona tur rond.

Pero, manera semper tin hendenan cu mente maligno y ta busca cos malo pa haci.

Den Caya Ing. Roland H. Laclé altura di Landslaboratorium un dama a bay na Honda Crv y ta haya un sorpresa masha desagradabel mes. E glas di chauffeur a wordo kibra pa por horta den auto.

Segun declaracion di e dama, nan lo a bay cu un tas caro. Den e tas lo tawata tin documentonan, joyas y un holoshi caro.

Den casonan asina mucho cos no por wordo haci, solamente si a mira algo.

Segun nos a compronde cu polis lo tin un informacion cu lo por ta trata di un auto color blanco y nan lo tin e number.

Parse cu e auto aki tawata circula bastante den e area.

Melvin Tromp di Partido AVP

Gobierno ta strooi santo den wowo di pueblo pa introduci mas medida

GABINETE Wever Croes a malusa confiansa di pueblo pa yega na poder, a mal informa pueblo pa logra esaki y ora cu a forma Gobierno, pueblo a wordo castiga den un forma cu nunca a spera.

Miembro di partido AVP, sr Melvin Tromp a muestra cu pa aña nobo, pueblo tin cu prepara su mes pa otro serie di medida, caminda e siguiente etapa di Reforma Fiscal lo drenta na vigor y cu ora esaki tuma lugar, pueblo lo mira su poder di compra sigui desminui.

“Aruba pa dos aña caba a conoce un Gobierno cu no tin interes di pueblo na pecho, cu no ta trahando pa pone e hende central, al contrario e unico caminda cu e hende ta central pa Gabinete Wever Croes, ta den e paquete di medida cu ta sigui wordo introduci.

Prome Minister Evelyn Wever Croes a declara recientemente cu pa su Gobierno ta mihor CITGO bay mas pronto posibel for di Aruba, e mesun lider di MEP cu a elogia su primo Glenbert Croes cu el a logra reapertura di e refineria.

E mesun lider di MEP cu a para na porta di e refineria y hasta yama un plaza eyan na Plaza Cero, ya cu si tin un solo porciento pa habri e refineria, esaki tin cu tuma lugar, pero desde cu el a bira Prome Minister, Evelyn no a presenta ningun solucion p’e proceso aki, no a presente ningun compania di tanto cu

el a papia cu nan cu lo ta interesa y awor kier p’e refineria bay.

Aki pueblo por mira un biaha mas con e tin un Prome Minister cu ta traha pa famia y amigo, pa sponsor nan ya cu tin hopi interes priva ta hunga un rol den e henter e desaroyo rond di e refineria y e ta duna indicacion cu e kier sirbi e interes di e hendenan aki y no interes di pueblo.

Ta masha fanfaria Prome Minister a anuncia decisionnan riba e cobranza di Loonelasting y otro tipo di incentivan cu su Gobierno a introduci na interes di esnan di menos entrada, pero aki ta otro maniobra mas pa manipula opinion di pueblo cu despues ta wordo castiga.

E decisionnan aki no ta na nivel di e medidanan cu su Gobierno a introduci y lo sigui introduci den simannan nos dilanti, ya cu mientras cu e ta duna 10 florin cu su decision tuma, di otro banda e lo ranca entre 50 pa 100 florin for di mesun ciudadano aki cu mas medidanan cu ta na caminda.

Den tur bario, den tur sector di comunidad por mira e efecto negativo di un maneho abusivo y sin piedad di Gabinete Wever Croes, cu no tin compasion cu pueblo, e mesun pueblo cu el a priminti di lo sirbi.

Nunca pueblo a conoce e gasolin mas barata priminti pa actual Minister Glenbert Croes, tampoco reduccion



di prijs di awa y coriente ya cu loke a tuma lugar recientemente, ta cu Gobierno a duna pueblo dos florin bek, despues di a ranca 20 florin for di su cartera.

Pa pueblo no tin nada positivo, no tin ningun proyecto na caminda, Gobierno no tin inversion pa haci y for di sector comercial ya caba tin indicacion cu no tin mucho interes pa inverti den proyectonan bou mando di e Gobierno actual.

Mientras cu continuamente Gabinete Wever Croes ta papia di debe nacional, un Minister kier a bin c’un proyecto cu lo costa pueblo casi 500 miyon florin pa Serlimar, loke tambe lo aporta n’e debe nacional, pero di repente esaki ya no ta problema.

Tin desaroyonan sumamente preocupante y tur cos ta indica cu mey mey di e luna di januari aki, Gabinete di Ministernan di Reino lo duna Gabinete Wever Croes un ‘aanwijzing’ ya cu simplemente Evelyn y Xiomara no por tene nan mes na palabracionnan haci cu tanto CFT Gobierno di Reino,” Melvin Tromp di AVP a declara.

Departamento di Emergencia na HOH, a trata 195 pashent fin di aña y aña nobo

Di cual e aña aki solamente 3 pa vuurwerk

Departamento di Emergencia na Hospital Dr. Horacio E. Oduber Hospital e ultimo dianan a atende un total di 195 pashent cuminsando for di dia 31 di december 2019 pa 12or di merdia te cu dia 2 di januari 2020 pa 6or di mainta.

E promedio pa loke t'e tempo di espera cuminsando for di ora cu a yega te bay cas of wordo interna tabata 1 ora y 53 minuut. E edad di pashent cu a acudi na Departamento di Emergencia a varia entre baby pa 88 aña y di e 195 pashent un total di 27 a wordo admiti den Hospital.

Pa loke t'e incidentenan cu a pasa den nos comunidad a trata un total di 18 caso. E edad di pashent di e incidentenan fuera di lo comun a varia entre 3 aña pa 88 aña.


A atende 5 pashent cu a drenta pa via di un of otro maltrato. A drenta 10 pa motibo di accidente y tambe mester menciona cu tabatin 2 cu a drenta pa motibo di intoxicacion cu alcohol. Tambe a yega un pashent cu intencion di suicidio. Di tur e incidentenan aki 8 pashent tabata grave y mester a wordo admiti den hospital.

Pa loke ta herido causa pa vuurwerk e aña aki a atende solamente 3 pashent di cual nan edad a varia di 21 pa 43 aña.

Di e 3 victima di vuurwerk afortunadamente niun mucha y niun tabata di un gravedad halto pa ser admiti den Hospital.

Hunta di Directiva, staf y personal di Hospital ta desea Aruba henter un prospero aña 2020 yena cu hopi salud y amor.

Ladron kier a horta bril pero no a logra



AÑA NOBO anochi polis a bay e negoshi di bende bril yama Sole, eyan antisocialnan a manda bloki y a kibra e glas. Na yegada di e Security Guard cu a subi 10'or a bin nota cu a usa dos bloki pa kibra e glas, pero asina mes nan no a logra drenta.

Agentenan a tuma declaracion y esnan encarga cu e luga lo bay mira ariba camara di siguridad ken/nan ta responsabel pa e acto aki.

Parse cu e daño haci na e glas ta rond di 2500 florin.

Quadracer a bolbe bolter den Parke Nacional Arikok, dos persona a resulta herida



DIAHUEBS den oranan di merdia a sosode otro accidente cu quadracer, esaki a sosode na altura di entrada di Parke Arikok. Mesora a pidi pa presencia di Polis y ambulance. Na yegada nan a bin compronde cu e persona cu tabata coriendo e quadracer pa un motibo of otro a perde control riba e stuur, net unda tin un pida caminda construi pa kibra velocidad.

E quadracer a bolter y a cay na banda di caminda lagando dos persona herida. E quadracer a cay na banda di caminda lagando dos persona herida. Despues cu paramediconan a atende cu e heridonan n'e sitio mes, nan a transportanan pa hospital.

Despues di como 40 aña

Kong Hing Super Center a sera su portanan y a pidi bancarota



AYERA diahuebs 2 di januari 2020, algo mas cu 20 trahador a haya un carta inespera na momento di presenta na trabou. Gerente di Kong Hing Super Center N.V., esta e conocido Farley Jie A Swie, a informa empleadonan cu e compania a alcanza un cruzada den cual e no ta capaz di cumpli cu su debenan mas. Asina nos por a lesa for di 24Ora.com.

A pidi trahadornan pa presenta na trabou, pero keda pafo y no traha, te ora Huez declara e supermercado bancarota.

Kong Hing Supermarket a bira activo for di dia 13 di januari 1981, pues 39 aña largo. E tabata semper conoci pa su facilidad den Havenstraat, pero na caminda a opta pa haci un inversion grandi pa bay riba LG Smith Boulevard.

Ey el a competi e tempo ey cu Pueblo Food Center, Ling & Sons Supermarket, Certified Mega Mall y awendia tambe cu Super Food. El a opta hasta na 1996 pa sigui expande e negoshi y a bay internacional, habriendo Kong Hing Freezone na Bushiri. Ey e lo a exporta productonan pa otro pais den region. Pero cu tempo e competencia a bira fuerte y falta di inovacion, cambio di strategia y mercadeo, a pone cu e otro conceptonan a bira mas popular riba nos isla y poco-poco Kong Hing a mira su clientenan disparece.

Claro, cu menos entrada, pero gastonan igual, ta hinca e compania den problemanan serio. Asina a cay atras cu cumplimento cu belasting y otro creditornan, te cu a yega un nivel cu e compania no por mas. No ta conoci si ta ambos supermercado lo cera of solamente esun grandi riba LG Smith Boulevard.

P'esnan cu ta corda ainda, Kong Hing Super Center a bin despues cu Club Visage a kima na aña 1996, hunto cu Codemsa y otronan pega riba otro eyan. E lugar a keda un ruina pa un rato pero a opta pa bashe abou y Farley Jie A Swie a opta pa haci un inversion misionario den un supermercado moderno p'e tempo ey.

P'e trahadornan, e noticia di ayera ta un sla duro. Mayoria a mir'e ta bin si, pasobra pa basta tempo caba clientenan a bira menos y nan stock ta limita.

Agencianan a cuminsa cera nan cuenta y poco-poco a mira con un compania di casi 40 aña ta bin abou. E trahadornan sinembargo a pensa cu lo bin un inversionista nobo, of lo bende e compania den cual nan pan lo ta garantiza, pero nada. Gerencia a opta pa keda nabega e barco cu ta yenando cu awa, te cu el a sink.




Tin di e trahadornan tin mas di 20 aña di servicio cu e compania y mas cu un trabou, ta considera eyan nan cas y e coleganan ta mescos famia. Ta haci masha dolor pa awor bay busca trabou di nobo y start un carera nobo na un edad unda lo mester tin tranquilidad.

Hecho ta cu e compania no ta bancarota ainda, sino ta dialuna awor Farley Jie A Swie a keda di presenta na Corte y pidi pa declara e compania den estado di bancarota.

Esaki riba su mes no ta un proceso facil, pasobra Huez lo evalua seriamente si por tin "opzet" of mal maneho di gerencia pa deliberadamente manda e compania bancarota pa libra di debenan.

Hopi biaha, specialmente cu impuesto, e Director ta bira responsabel personalmente pa e debenan.



RIU Hotels & Resorts di Aruba a cera aña cu donacion y 1 miyon tiro di pagara



RIU Hotels & Resorts di Aruba a despidi di aña 2019 cu 1 miyon tiro di pagara y bisando bon bini pa 2020. A scoge un area den e parti abou di e hotel, unda e zonido tabatin menos efecto y laga hopi sushi di e pagara, y tur hende por a disfruta di esaki. Un biaha mas tabatin e presupuesto p'e tiro di 6 miyon, pero a opta pa haci un donacion special na e shelter di bestia.

RIU Hotels & Resorts a tira pagara den un forma simbolico, ya cu tur empleado cu ta traha den e hotelnan kier mantene e tradicion di Aruba. Nos ta comprometi cu e medio ambiente y e labor comunitario, di cual pa medio di e donacion nos a yuda den un forma activo y no solamente absteniendo nos di cende e pagara di mas grandi.

Pa ambos hotel di duna bek na fundacionnan di Aruba ta algo importante. A scoge pa haci donacion na 2 fundacion, esta SGT Peppers y Fundacion Luna. Ambos fundacion ta yuda na un manera of otro pa loke ta trata e concientisacion di cuida cacho y pushinan.

RIU Hotels & Resorts di Aruba ta orguyoso di e trabounan cu e fundacionnan ta haciendo pa añanan. Nos ta gradici nan pa tur nan esfuerso haci pa sterelisa, duna guia y cuida e cachonan y pushinan. Tambe ta gradici tur empleado y bishitantenan pa haci e aña 2019 uno exitoso un biaha mas. Feliz Aña nobo y cu tur hende nan deseonan bira un realidad den aña 2020.

Mal comportamiento di hobennan riba bicicleta den Playa

Polis a logra pone man riba un y el a wordo deteni

DIALUNA atardi a drenta basta reclamo di hobennan riba bicicleta cu no ta comporta nan mes den Playa.

Algun dia pasa Polis a tene un accion chikito y a kita algun bicicleta di algun hoben.

Dialuna atardi a drenta basta reclamo cu un grupo di hoben ta core den Caya G.F.Betico Croes y no tabata falta mucho pa nan dal hende cu e bais.

Esey no ta tur parce cu nan lo tabatin klapchi den nan poder y ta pasa tira esaki den porta di negoshinan spantando hende y ta peligroso.

Esnan cu a mira kico tabata pasando a notifica Polis, un di nan su bicicleta a hala atencion dor di e tire hancho. Den Weststraat Polis a bin topa cu e hoben aki.


Polis mesora a stop e y a detene, tambe su bicicleta a wordo confiscada. Nan a hib'e Warda di Playa y pa su sorpresa Sub Fiscal a dicide cu e lo wordo cera.

Algun rato despues el a wordo transporta pa Macuarima unda e lo a wordo cera.


Kizas esaki ta sirbi como un les p'e otro hobennan cu no ta comporta riba caya, treciendo nan bida y di otro hende den peliger.

Pues mayornan, papia cu bo yiu si e tin un bicicleta y ta pensa di bay den Playa cune pa haci cosnan contra ley.

Paso si e haci algo robes e lo por wordo deteni y chance ta grandi cu e por pasa su resto di dia den un cel na Warda di Polis.



Maniobranan peligroso cu UTV, un di e motibonan principal di accidente



DIALUNA atardi Polis y ambulance a bay Westpunt unda cu un UTV a accidenta. Ta parce cu turistanan ta keda haci maniobranan peligroso cu sea Quadracers y/of UTV's. Dialuna atardi no tabata diferente.

Parce cu ta manera turistanan mira e tereno habri cu tera cora patras di Lighthouse, ta bira manera un challenge y ta haci cosnan peligroso. Esaki a causa cu e UTV a bolter.

Ambos persona abordo a resulta levemente herida. Manera informacion a drenta Polis y ambulance a bay urgentemente patras di Faro.

Na yegada e dos turistanan no tabata desea yudansa di Paramediconan. Esaki debi posiblemente n'e prijs halto cu nan lo mester paga p'e servicio.

Autoridad despues cu nan a mira cu tur cos ta "ok" a bandona e sitio. E resto a keda pa seguro handle. E vehiculo a wordo poni den un pick up di e compania y hiba di e sitio. Ambos turista a haya lift den e truck di e compania, nan mes lo a keda di trata nan heridan.

Candal a wordo corta:

Cantidad hopi grandi di Klapchi horta na San Nicolas




BISPO di Aña den careda di 4:30 di madrugá Polis a bay dilanti Herbies situa na San Nicolas, unda cu ladronnan a drenta un container di Klapchi.

A combersa cu e doño y el a conta cu nan a mira tres persona cortico core bay, pero e momento ey ya e daño tabata haci caba.

Ora nan a bay tira bista, e container di Klapchi tabata completamente rebotea y un cantidad grandi di Klapchi tabata falta.

Ladronnan a carga cantidad grandi mes di Klapchi entre otro Flowerbeds y Pagara cu ta cosnan caro.

E parti mas tristo ta cu loke a resta riba e shelvenan lo no cubri e gasto inverti den e bendemento e aña aki.



Reglanan cu lo ta vigente den cuadro di celebracion di Fuikdag 2020



WILLEMSTAD - Añanan anterior nos por a mira cu celebracion di Fuikdag a bay hopi na òrdo y bishitantenan por a gosa di activida bon y sigur.

Pa por sigui logra cu tur asunto ta cana di forma organisá durante celebracion di Fuikdag, cu por lo general ta wòrdo celebrá e promé diadomingo di Aña Nobo, autoridadnan competente, manera Polis, Guardacosta, Inspeccion Marítimo, Kapitan di Haf, Servicio di Bombero, Douane, Servicio di Ambulance, Crus Cora, CITRO y representantenan di Santa Barbara Plantation, despues di a reuní cu Ministerio di Husticia, kier comunica lo siguiente.

Conforme tur aña di nobo, mirando cu e evento aki a alcanza un enbragadura di tal magnitud cu e riesgonan mará na dje tambe a aumentá di forma considerable, cu mester tene cuenta cu algun medidanan.

Algun di e medidanan tumá ta enserá entre otro cu:

- A.) No ta duna pèrmit pa benta di alcohol;
- B.) No ta duna pèrmit pa música publico riba vlot of pódium;
- C.) Personanan cu a paga pa baha boto na pier di Caracasbaai, so lo por haci uso di e “slipway”.
- D.) Tur boto cu ta participá n’e evento, aparte di nan documentonan, mester tin suficiente vèst di salvabida abordo (conforme cantidad di pasahero abordo), además artefactonan apropiá di señal, flùit etc.,etc; Lo tin còntrol riba tur e rekistonan aki di boto dor di Haven en Veiligheid Inspectie y Guardacosta.

E.) Ademas Servicio di Bombero ta efectúa control pa loke ta sendemento di candela abordo pa preparacion di Bar-B-Que;

F.) Despues di 5’or di atardi no ta permití pa sigui toca musica; G.) No ta permití pa despues di actividad na Fuikdag pa bay mara n’e pier di Santa Barbara Plantation.

Ta bon pa tene na cuenta cu e asunto di hiba y trece hende tambe no ta keda permití mas; cu otro palabra hende cu tin nan propio boto so por yega Fuikbaai.

E medida aki a bira necesario, pasobra tur aña ta resulta cu hendenan cu tuma ‘cabe’i boto’ (lift) ta keda pegá na Fuikbaai sin por yega Caracasbaai; consecuentemente nan ta purba cana via tereno privá di Barbara Beach pa yega ciudad. Tur esaki unicamente ta contribuí na mas caos y como tal no ta keda tolera mas.

Lo bay tin control di imigracion riba botonan cu por tin estranhero na bordo. Tur boto cu ta bin di otro pais di afó y bin bishita Còrsou ta obliga di pasa Imigracion y Douane pa “klaar in”.

Ta bon pa un y tur tuma bon nota di e reglanan aki, pasobra autoridadnan ta bay actuá cu man firme pa garantisá cu tin orden y seguridad durante celebracion di Fuikdag, di acuerdo cu **Ministerio di Husticia**.



E ciudadano Shadrach Dap di 32 aña di edad tabata den sala di corte prome cu cambio di aña, acusa di a asesina R. Cathalina dia 4 di september ultimo.

Segun fiscal señora mr. Altagracia Martis e caso no ta cla pa tratamiento ainda, mester haci mas investigacion, anto ta wardando riba rapport di TFO pa mira si den e auto di e victima tabatin un obheto skerpi. Mas aleu mester scucha algun testigo tambe. Ya caba tin plania cu e caso aki lo keda trata dia 1 di april 2020 riba contenido, pero hues mr. Mauritsz de Kort a duna Shadrach Dap espacio pa expresa su mes y natural esaki a haci bon uzo di e chens aki.

Shadrach Dap a pinta un situacion caminda el a pasa den un periodo di inmenso terror causa pa e victima y su hendenan. Shadrach Dap, segun el a splica a keda provoca na varios ocasion dor di algun persona cu simplemente bisa tabata molesti'è tur momento cu nan top'é. Shadrach Dap en principio ta biba den e bario Koraal Specht cerca su tata, pero cu frecuencia e sa ta na cas di su mama aya na Montaña, caminda e tin su negoshi di bendemento di cuminda.

Masha bon e tabata cu tur hende, pero diripiente a surgi un problema cu algun di su clientenan, despues cu nan a pidi cuminda tuma y keda sin paga. Tabata na un ocasion cu e tabata hopi ocupa y cu tabatin hopi

cliente para na e sitio. Deshaci ta netamente causante di e problema cu a surgi debi cu a keda sin paga pa e cuminda y cu finalmente a desemboca den homicidio di e ciudadano R. Cathalina. E acusado Shadrach Dap a conta hues cu bisiñanan tin miedo di testigua y cu e victima na cierto momento a menasa cu lo e mat'é y cu di esaki nan tin grabacionnan haci caminda e menasanan a keda lansa.

E victima tabata core y cana bay bin pasando den cercania di e cas na Montona y cada biaha tabata renace cu un arma di candela caliber 45. Shadrach Dap a bringa cu un di e personanan y a batié, pero a keda cu R. Cathalina lo a tuma vengansa. Segun Shadrach Dap, tur hende sa masha bon cu e defunto R. Cathalina ta un persona sumamente peligroso y cu e tabata dispone di un arma di candela. Mal droga e tabata pasa bandi cas di mi mama na Montaña, menasando mi. Na bos halto Shadrach Dap a bisa cu el a keda algun tempo sin bay Montaña pa evita problema, pero nan a haci di mas cun'e y asina ey el a hay'e den e confrontacion ferfelo cu R. Cathalina, cu al final a caba den e hecho cu el a mata esaki dia 4 di september 2019. Ami ningun momento so no tabatin e intencion ey, pero nan a haci di mas cu mi e acusado Shadrach Dap a splica mas aleu. Tratamiento di e caso riba contenido lo ta 1 di april 2020.

Royal Aurora

Funeral Home & Crematory

Mira con Dios a salba mi, Tur mi confiansa ta den djE,
Mi n' tin miedo: Señor Dios ta mi forsa, mi refugio. E
mes t'Esun cu a salba mi.
Isaías 12:2

Cu dolor na nos curason,
nos ta anuncia fayecimento di nos ser kerí:



Sra. Epifania M. Webb-Henriquez

Mihor conoci como "Ana"
*12-07-1944 - †23-12-2019

Na number di su:
Mayoran:
†Henricus Henriquez
†Gertrudes Henriquez
Casa: Rosimbo Webb

Yiunan:
Rudolfo Webb y Omayra Webb
†David Webb y Maryenis Webb
Danilo Webb y Jeanette Beaumont
Jeffrey y Jahaira Webb

Nieto(a)nan: Ruthjyn, Kathy y Jair Thompson yiunan,
Genlyn y Imro Gonzales y yiunan, Joshue, Davner y
Nicky Dekker y yiu, Divnad y Brayn Haggens y yiunan,
Danvid y Michella Tromp y yiu, Giandric, Danietza y
Eldrick Hasham y yiunan, David, Dajean, Kerrelaine,
Juliette, Jessica.

Rumannan:
†Angel Henriquez y Frida y familia
†Everard Henriquez y familia
†Januario Henriquez y familia
†Juan Henriquez y familia †Alonso Henriquez y familia
†Dominico Henriquez y familia
Margarita Henriquez y familia
†Ambrioso Henriquez y familia
†Gabriel Henriquez y familia

Consuegro(a): †Venancio y †Novita Webb
Swa y cuñanan, sobrino y sobrinanan, bisñanan,
ihanan, conociman, gruponan di Oracion.
Demas familia: Webb, Henriquez, Geerman, Croes,
Cantillo, Beaumont, Rasmijn, Werleman, Lacle,
Gamarra, Everon, Croeze, Geronimo, Heronimo,
Bernabela, Winterdaal, Oduber, Henricus, Peña,
Valdes, Cepeda, Kock, Thiel, Verhoeks, Kelly na
Venezuela, Hulanda, Colombia

Ta invita pa acto di entierro cual lo tuma lugar na Misa
Sta Filomena na Paradera dialuna 6 di Januari 2020 di
2'or pa 4'or di atardi. Desspues lo Sali pa Santana
Catolico na Sta Cruz.

Condolencia lo tuma lugar na Aurora Funeral Home
diasabra 4 di Januari 2020 di 7'or pa 9'or di anochi.
Enbes di krans of flor lo tin un box pa donacion
caricativo.
Dispensa nos si den nos tristesa nos por a lubida
algun familiar.

Royal Aurora

Funeral Home & Crematory

God saw you getting tired
When a cure was not to be
He wrapped his arms around you,
and whispered, "COME TO ME"
You didn't deserve what you went through so
He gave you needed rest,
GOD'S GARDEN must be Beautiful
He only takes the best

A fayece na edad di 81 anja

Marcial Faustino Conradus

(22 mei 1938 – 29 december 2019)

Na number di su difunto esposa:
+Cassandra Alice Conradus-Romondt

Su yiu homber:
Randall Conradus

Yiu adopta:
Sergio Rostand Daniel

Yiunan di crianza:
Tosca de Windt
Gunther de Windt & Rocia Acurio
Rhounda de Windt & Justin Ceelen
+ Ingemar de Windt
Glenny de Windt & Dana Treadaway
Rhojeane de Windt
Iona de Windt

Su rumannan:
+ Sjoní Conradus y familia
+ Lydia Conradus y familia
+ Ramiro Conradus y familia
Violetta Stacie-Conradus y familia
Majorie de Leng-Conradus y familia
Hubert "Ibi" Conradus y familia
Laura Conradus y familia
Ludwina Jimenez-Conradus y familia

Primo y primanan:
Rosina / Conradus

Manera yiu:
Antony "Tony" Lanoy

Nietonan di Crianza:
Sadie, Kimberly, Robin, Jamie, Channy,
Rhounda, Sarah, Chanty y Anthony "Toontje".

Blsanietonan


Y demas familia:
Conradus, de Windt, Rosina, van Eikelenburg,
Lanoy, Romondt, Dunker, Senior, Blanken y Petronilla

Su ex-colega nan di Unicon y ex- atletanan di Olympia.

Danki especial na su cas di cuida The Hope
Muy en especial: Miranda y Oswald
Y tur e trahadonan di The Hope.

Ta invita un y tur pa e acto di despedida cual
lo tuma lugar diabierna, 3 di Januari 2019
14:00-16:00 na Aurora funeral home.
Cremacion lo tuma lugar den seno familiar.

Ta lamenta cu no por recibi bishita di condolencia na cas.



Royal Aurora

Funeral Home & Crematory

Gradicimento y invitacion

Pa medio di esaki famia kier gradici tur esnan cu na un
manera of otro a duna nos sosten, consuelo y forsa
durante e momento dificil aki cu nos defunto stima:



Nicolas "Cochi" Geerman

Un danki special ta bay na:
Famianan, amigonan, bisñanan y
conociman di nos defunto stima.

Alabes nos kier a invita pa 3 Santo Sacrificio di misa
cual lo tuma lugar na misa Inmaculada
Concepcion na Santa Cruz;
Diabierna 3 di Januari 2020 pa 6:30 di anochi,
Diadomingo 5 di Januari 2020 pa 6.30 di anochi y
Dialuna 6 di Januari 2020 pa 6:30 di anochi.
Despues di e ultimo misa tin rosario na cas, zumbo 1

Boso presencia lo ta altamente aprecia.

Royal Aurora

Funeral Home & Crematory

Gradicimento y Invitacion

Famia di defunto



Clemente Thiel

pa medio di esaki kier a gradici tur cu a acompaña
famia Thiel-Figaroa den un forma o otro durante e
ultimo dianan dificil aki. Boso sosten y apoyo den e
dianan aki tawata un consuelo enorme pa nos.

Tambe nos lo kier invita pa un Santo Sacrificio di Misa
pa descanso di e defunto cu lo tuma lugar
Diabierna 3 di Januari 2020 pa 6.30 di atardi na Misa
Sta. Anna na Noord.



AWEMainta



www.facebook.com/awemainta




Online

Royal Aurora

Funeral Home & Crematory

Maske mi no tey mas na e mundo aki, tur dia lo mi ta banda di boso.

Cu Dolor na nos curason, nos ta anuncia fayecimento di nos ser kerí:



Sr. Arcenio Fernando Arends

Mihor conoci como "Senny"
17 december 1958 – 28 december 2019

Na nomber di su:

Compañera:

Christina (Tina) Kelly y familia

Yiunan:

Junior Arends Y Carmencita Henriquez
Jeandary (Jane) Arends y Patrick Bressat

Nieta:

Jerriane y Jerilaine y Jesslaine Helder

Nieto:

yam Bressat

Mama di su yiunan:

Jolanda De Cuba

Rumannan:

Jolanda Kelly-Arends y Juan Kelly y yiu
Rolando (Nando) Arends y Aileen Wever
Filomena (Mena) Kelly-Arends y yiu
Albertico (Tico) Arends y Irene Lacle
Fransisco (Frenk) Arends y Ingrid Arends y yiu

Amigonan di cas:

Chomon Arends y Debby Kelly-Arends

Demas amigo y amiganan y conócir nan, tanta y omonan prima y primo nan

Demas Famia:

Arends, Thiel, Kelly, de Cuba, Boekhoudt, Erasmus, Werleman, Ruiz, Falconi, Hernandez, Helder, Dirks, Diaz, Tromp, Everon

Ta invita pa acto di entierro cual lo tuma lugar na Royal Funeral Home diasabra 4 di Januari 2020 di 9or pa 11or di mainta. Nos ta lamenta cu despues di despedida nos no por recibi bishita di condolencia na cas.


Dispensa nos si den tristesa nos por a lubida di menciona algun famia of conócir.

Nos ta lamenta cu despues di despedida nos no por recibi bishita di condolencia na cas.

Royal Aurora

Funeral Home & Crematory

With immense sorrow in our hearts we participate the unexpected passing of our beloved husband, father, grandfather, brother, uncle, friend,



Len Leenheer

Sunrise, October 10, 1955
Sunset, December 23, 2019

Beloved wife:

Maureen Leenheer-Vieira

Daughters:

Devah Leenheer
Vanessa & Beezar Sirini

Grandsons:

Tristan & Dastan Sirini

Family:

Pauline Joseph-Clarke

Beloved pet:

Ziggy Leenheer

Siblings:

Astrid Leenheer
Karen Leenheer & Alwin Schenker
Andre & Debbie Leenheer

Nieces & Nephews:

Kristal & Mani De Silva De Freitas-de Groot
Kimberly de Groot
Dimitri Leon & Nathalie Pop
Sergei Leon
Kyra Leon & Jonathan Pita
Lance Leenheer
Vince Leenheer

Families: Leenheer, Sirini, Mohamad, Vieira, Killkenny, Wallace, Fishtler, de Groot, Linscheer, Boonstra, Kasemier, van Dijk, Carpentier, Kim, Leon, Halley, Dos Santos, Genser, Huijskes, de Castro, Everon, Herrera, Martinez & Pieters.

Dearest friends: Bart Balsem, Pempi Maduro, Emile de Cuba, Josef Croes, Michael de Cuba, Marky van Romondt, Eddy Ras, Dr. Donald Bermudez, Danguí Oduber, Laureen Eman, Thanya Croes, Magali Maduro, Carmela Dijkhof, Michael Williams, Edwina Henriquez

Funeral will be held at Aurora Funeral Home on Saturday January 4th from 9 - 11am.

The family respectfully will not be receiving visitors at home after the funeral service.

Royal Aurora

Funeral Home & Crematory

Gradicimento

Na nomber di su esposa, yiunan, rumannan, sobrinonan, nietonan y demas famia kier a gradici un y tur cu di un of otro manera a muestra atencion na nos ser kerí:



Nemensio "Emy" Kock

Durante su bida, enfermedad, fayecimento y entierro. Boso muestra di atencion ta di hopi apresio y consuelo pa nos.

Un danki na un y tur especialmente na esnan cu a mustre atencion na hospital segundo piso, na dokternan, verpleegsteman, broedernan, seccion di parti cuminda cu semper tawata atento cu'ne.

Ta gradici AZV pa su sosten, Kimberly Hoo y Nursability pa e cuidu y atencion, Dialyse afdeling Juanita, Glenda y Veronica pa nan excelente servicio, Dokter Choudry, Dokter Kock, Dokter Dennert, Dokter Casper- Lacle, Heidy Lauffer- Fingal, Dokter Anthony y su asistentnan, demas dokternan y enfermeranan pa cu e atencion y cuidu duna na nos ser stima.

Na Alex Kock cu semper atento y Lite Life pa nan bon servicio. Team di Ambulance. Aurora & Royal Funeral Home pa nan bon servicio.

Danki na tur esnan cu a forma parti den e bida di nos ser stima.

Alavez nos kier a invita pa un Santo Sacrificio di misa, cual lo tuma lugar na Misa Inmaculata Concepcion na Santa Cruz. Diasabra 4 di januari, 2020 pa 7:00pm y despues pa un Rosario na cas; Pabilon 61C.

Considera esaki como un invitacion personal. Masha danki pa tur cos y cu Dios bendiciona boso pa cu e aña 2020 hopi salud, bendicion pa boso tur.

Ricibi Awemainta tur dia den bo Inbox

Registra awo!

Manda bo e-mail na

noticia@awemainta.com



THE LORD IS
MY LIGHT AND
MY SALVATION
WHOM SHALL I FEAR?
THE LORD IS
THE STRONGHOLD
OF MY LIFE
OF WHOM SHALL I BE AFRAID?

PSALM 27.1

AWEMainta
e corant di Toko
Tel: 583-1400 Fax: 583-1444

Departamento di Impuesto
Camacurí 2, Oranjestad, Aruba
Tel: (297) 522 7423, fax: (297) 522 7429, info@impuesto.aw, www.impuesto.aw

Comunicado di Prensa

Entrante 1 di Januari 2020 tin cambio den e tarifa di inkomstenbelasting y loonbelasting
E suma liber di impuesto a bira Afl. 28.861

ORANJESTAD – Entrante 1 di Januari 2020 tin cambio den e tarifa di inkomstenbelasting y loonbelasting 2020. Manera conoci e mesun tarifa cu ta valido pa inkomstenbelasting ta valido tambe pa loonbelasting. E tarifa aki ta hopi importante tanto pa e personanan priva como e doñonan di trabou. Departamento di Impuesto ta duna siguiientemente un splicacion di e tarifa valido pa aña 2020.

Cambionan
Aki ta sigui un bista di e cambionan pa cu aña 2020.

Cambionan	2020
Suma liber di impuesto (Belastingvrij bedrag)	Afl. 28.861
Categoría di entrada (Inkomensschijven)	Tin 4 categoría di entrada. Pa cada categoría a cambia: - e margen di entrada - e suma di impuesto

Tabel 2020
E tabel di impuesto 2020 ta como lo siguiente:

- Prome cu aplica e tabel pa calcula e suma di impuesto mester deduci e suma liber di impuesto (Belastingvrij bedrag).
- Na final ta baha e suma di impuesto cu a wordo calcula y hacie un suma cera.

Na un entrada di mas cu e suma menciona den kolom I, pero no mas cu e suma menciona den kolom II,		e suma di impuesto ta bira e suma menciona den kolom III huntu cu e suma calcula a base di e porcentahe menciona den kolom IV. Ta calcula e porcentahe riba e parti di entrada cu ta surpasa e suma menciona den kolom I.	
I	II	III	IV
1. -	34.930	4.890,20	14,00%
2. 34.930	65.904	12.633,70	25,00%
3. 65.904	147.454	46.884,70	42,00%
4. 147.454	-	-	52,00%

Ehempel:

Entrada fiscal di aña 2020	Afl. 76.950
Suma liber di impuesto	Afl. 28.861/-
Entrada riba cual ta aplica e tabel	Afl. 48.089 → mira categoría di entrada nr. 2
Kita suma di kolom I (categoría 2)	Afl. 34.930
Saldo	Afl. 13.159

Impuesto segun kolom III (categoría 2)	Afl. 4.890,20
Impuesto riba Afl. 13.159 → 25% segun kolom IV	Afl. 3.289,75
Suma total di impuesto	Afl. 8.179,95

Inkomstenbelasting of loonbelasting cu mester paga **Afl. 8.179** (pa aña)

Departamento di Impuesto tin un Excel file cual su clientenan por uza pa calcula e suma di impuesto automaticamente. E file aki yama 'Berekening IB-LB 2020 (Klanten)' y por baha esaki di e website www.impuesto.aw.

Gerencia di Departamento di Impuesto
31 di december 2019

Royal Aurora
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu dolor na nos curason,
nos ta anuncia fayecimento di nos ser kerí:




Sr. Angel Werleman
Mihor conoci como "Boei pata laria"
*02-10-1935 - †24-12-2019

Acto di entierro lo wordo anuncia despues

Royal Aurora
Funeral Home & Crematory

"Señor ta mi wardador mi'n tin falta di nada. Den cunucu yen di yerba berde, e taponemisosega E tahibaminafuent'lawá fresco pa mi bolbehañaforza"
Salmo 23

A fayece cristianamente



Pedro Danje
mihor conoci como "Padu of Mo pe"
*10 augustus 1944 - + 25 december 2019

Na number di su casa stima : Wencita (Chita) Danje-Donata

Yiunan: +Jaqueline Danje
Geraldine Danje

Ruman: Federico y Nena Danje y Famia

Nietonan: Jean Marc Dirksz
Ilgmar Maduro y Jennifer

Susuegronanstima: Juan Dirksz
Ronny Tromp

Cuña: Sra Vda. Diana Danje-Ruiz y famia
Swa: SerapioDonata

Amigonan di Cas: Lucia y Jachi Maduro
Fay Koolman
Cheppy Y Mena Kelly
BibianoCroes y Famia
Ceferino Gomes
Calito Gomes
Elvis y Charlise

Subisiñanan: Lino y Mireya
Dolorita y Famia
Juni y Melina
Mena Boekhoudt y famia

Primo y primanan, subrino y subrinanan y demasfamiacu tamucho pa menciona
Amigonan, bisiniñanan yconocinanSu amigonan diCaha di Orgel, Grupo di Cheppi, Favi, Grupo Magdalena

Un danki Special naSudokter di castima Dr. AmaranthaDirksz y
Edmond Harms Foundation.

Ta invita paasistina acto di entierocu lo tuma lugar diasabra 4 januari 2020 for di 2'or pa 4'pr na misa St. Anna naNoordpa despues santana catholikonaNoord.

Oportunidad pa condolencia lo tadiaabierna 3 januari 2020 for di 7'or pa 9'or di anochina Royal Funeral Home

Royal Aurora
Funeral Home & Crematory

"Sea humilde y manso, tenepasenshi y soportaotro cu amor.
Haciesfuersopacuida e union cu Spirito Santo ta duna, pa medio di epazcu tamarabosohunto." – Effesionan 4:2,3

Cu profundo dolor na nos curason
Nos ta anunciafayecimento di nos mama, oma, omagrandi, tanta.
Nos ta gradicidona Dios cu e la yega e bunita edad di 99 ana.



Eduvigis Meherdia Zschuschen-Victoria
Mihor conoci como "mama Zschuschen, Baby"

Na number di su
Esposu: Louis E. Zschuschen
Yiunan: King & Joke Zschuschen
Annemarie Zschuschen
Edmay& Piet Selim Eddine
Coleta Zschuschen
MarilyneZschuschen
Louis "Luchó" y Norma Zschuschen
Rudy, Norine "Nina", Robert "Robbie"Zschuschen
Ruman: Victoriana "Vicky" Pietersz-Fecunda(Curacao)
Eladia Roosje-Victoria
Prima: Nilda Pereira-Davelaar
Manerayiu: Helen Jansen
Clarque Martina
Lativa, Tania y Michel Mercera
Nietonan: Joaquin, Enrique y Sarah, Lisa, Carl Sandy y Diana, Audy y Minerva, Jennifer, Malaki, Chehadi y Bianca, Zagrah y Lisandro, Dwayne y Sol, Evan y Michelline, Gillian, Marina, Oriana, Ricardo
Bisanietonan: Leeroy, Maxin, Valerie, Jayden, Faye, Ariadna, Anaid, Stuard, Zaithyel, Zyqion, Isabella,Emma, Safiya, Seelah, Seagan, Delany, Sarah, Jake, Evander, Evans, Evanrick, Gianni-Davey
Tataranieta: Zani
Subrinonan: Helen "Lenny", Gerda, Johannes, Floreance, Rosemary, Edith, Jeanne, Simon, Marie Louise, Josephine, Benjamin, Joan, Stanley, Emelina, Melano, Oswaldo, Manira
Ivy, Thomas

Demas famia y conócir: Fecunda, Verhoeks, Pereira, Davelaar, Salcedo, Van Eyma, Reyes, Muskus, Eugene y Laura Lacle, Soekandar, Wever, Nedd, Eddine, Vasco, Da Silva, Boezerman, Lie-pau-sam

Ta invita pa asistinaacto di entierro cu lo tumalugar diasabra 4 di januari 2020 for di 1'or pa 5'or di atardina-misaSagrado Corazon naSavanetadspues lo Sali pa Santana Central di SabanaBasora.

Enbes di krans of flor lo tin un box pa Cas Marie.

Ricibi Awemainta tur dia den bo Inbox

Registra awo!
Manda bo e-mail na noticia@awemainta.com



Tur ladron a aña castigo condicional

Better Deals a aña 'Bad Deal' den corte penal cerca Hues

WILLEMSTAD. E negoshi Better Deals a conoce un publicidad hopi negativo despues cu a sali na cla cu varios trahado tabata involvi den ladronicianan grandi di mercancia atravesa di falsificacion di recibonan.

Algun siman pasa tabatin tratamiento di algun caso caba y hues a dicta sentencia den forma di castigonan di prizon condicional, trabounan pa comunidad y confiscacion di cierto sumanan di placa.

Dialun a toca turno na Duval B y Yermeyna L.C pa nan caso keda trata. Den e caso di Duval B ta trata aki di e suma di 15000 florin cu el a estafa y colaboracion cu el a duna un otro colega den e ladronicianan cu a tuma luga. Yermeyna L.C tin un suma di 41.000 florin riba su consenshi. Como abogado donan tabata presente señor mr

Everret Wilsoe pa Yermeyna L.C y señora mr. M.J. Eisdén pa Duval B. Remarcabel ta cu ningun di e acusadonan no tabata presente na momento di tratamiento di e caso.

Abogado mr van Dort a hiba palabra na nomber di Better Deals mencionando cu e negoshi ke daño y perhuicio no na balor di e prijs di compra di producto y of mercancia, sino na e prijs di benta. Fiscal señora mr. Emma de Groot y finalmente hues tambe a rechasa e peticion aki. A lamenta masha cu Duval B no tabata presente como cu fiscal kier a haci esaki algun pregunta aclarativo.

E castigonan segun e condenanan di hues mr. de Kort a bira 80 ora di trabou pa comunidad, 1 luna di castigo condicional y un periodo di prueba di 3 aña pa Duval. Pa Yermeyna e condena a bira 3 luna di castigo condicional, mara na un periodo di prueba di 3 aña, mas 140 ora di trabou pa comunidad.

Royal Aurora Funeral Home & Crematory

Pasobra e Señor mes lo baha fo'l cielo cu grito y cu bos di Arcangel y cu trompet di Dios, y esnan, cu a muri den Cristo lo lanta prome

A fayece inesperadamente:



Enrique Kock

Mihor conoci como "Eddy"
*15-07-1947 - †29-12-2019

Acto di entierio lo wordo anuncia despues

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.

E ta hibami na awa trankil,
Pa mi bolbe haña forsa".
Salmo: 23

Conforme cu boluntad di Dios,
nos ta anuncia fayecimento di:



Silo Urbain Tromp

*20-12-1940 - †30-12-2019

Acto di entierio lo wordo anuncia despues.



Death leaves a heartache no one can heal. Love leaves a memory no one can steal.

It is with great sorrow we announce the unexpected loss of our wife, mother, and Oma,
Brenda Anne Catherine James at the age of 75 years.

Born October 16, 1944 Port Arthur, Ontario, Canada
Died December 27, 2019 Leiden, Zuid Holland, The Netherlands

Husband Brian Roy James – Leiden, The Netherlands.

Children Brian Russell Roy (and Joceline Shamila) James - Leiden, The Netherlands
Jennifer Elaine James - Boston, Massachusetts, USA

Grandchildren
Brandon Brian Bertrano James – Leiden, The Netherlands
Janice Deborah Samantha James – Leiden, The Netherlands
Jasmine Isabella Christina James – Leiden, The Netherlands

Siblings Janice (and Rick) Herzog
Deborah (and Ron) Markle

Parents†† Roy and Elaine Marsh

And related families James, Marsh, Herzog, Markle, van der Linden, Williams, and Wever.

Condolences Apollolaan 420
2324 CE Leiden
The Netherlands

In lieu of flowers, please consider a donation to support ongoing research at
Leiden University Medical Centrum (LUMC)
<https://campagne.lumc.nl/donatie/bontius>

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Conforme cu boluntad di Dios, nos ta anuncia fayecimento di:



Iris Maria Croes-Tromp

*22-01-1952 - †28-12-2019

Acto di entierio lo wordo anuncia despues.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *“Ami Kier Abona”*

Like nos riba facebook

Keda “up to date” y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL